



RESOLUCIÓN DO DEPARTAMENTO TERRITORIAL DA CONSELLERÍA DO MAR EN VIGO POLA QUE SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS PARA TER ACCESO AO PERMISO DE EXPLOTACIÓN PARA MARISQUEO A PÉ NA CONFRARÍA DE LOURIZÁN

ANTECEDENTES

1. Mediante a Resolución do 26 de setembro de 2023, do Departamento Territorial da Consellería do Mar en Vigo, publicouse a relación definitiva de aspirantes seleccionados e non seleccionados para o acceso ao permiso de explotación na modalidade de marisqueo a pé para o exercicio da actividade extractiva no ámbito territorial da confraría de pescadores de Lourizán. A lista de non seleccionados constitúe unha lista de reserva, que poderá ser empregada para cubrir as prazas vacantes que se produzan durante o ano da súa vixencia.

2. O plan conxunto de xestión de marisqueo a pé das confrarías de Lourizán, Pontevedra e Raxó foi aprobado pola Orde do 21 de decembro 2023 pola que se aproba o Plan xeral de explotación marisqueira para o trienio 2024-2026 (publicado no DOG o 29.12.2023. En data 02.02.2024 a Xefatura Territorial de Vigo da Consellería do Mar (hoxe Departamento Territorial), logo da petición das confrarías, resolve adaptar este plan de xestión de moluscos bivalvos a pé das confrarías de Lourizán, Pontevedra e Raxó pechando os bancos intermareais para a extracción dende 16 de xaneiro ata o 15 de abril do 2024.

3. O 17 de abril de 2024, a confraría de Lourizán remite a este departamento territorial un escrito, asinado pola Patroa Maior, no que solicita *"a suspensión do uso da lista de provisión de vacantes [...], no mesmo prazo que se manteña a suspensión temporal do plan de xestión conxunto específico de moluscos bivalvos e gasterópodos a pé, en zonas de libre marisqueo, das confrarías de pescadores de Pontevedra, Raxó e Lourizán, aprobado para o período 2024-26, bloqueando temporalmente a concesión dos PERMEX que se puideren xerar como consecuencia das baixas no plan que xurdan no mesmo prazo"*.

4. En data 26.04.2024 o Departamento Territorial de Vigo da Consellería do Mar adapta novamente este plan de xestión acordando un novo período de peche dos bancos entre o 18 de abril e o 22 de xullo.

5. En data 22.07.2024 reiníciase a actividade extractiva (resolución do Departamento Territorial de Vigo da Consellería do Mar de data 19/07/2024).

6. En data 7.08.2024 a Confraría de Lourizán solicita o emprego da lista de reserva para cubrir catro (4) prazas vacantes.





CONSIDERACIÓNS LEGAIS E TÉCNICAS

1. Este Departamento Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.

2. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da data de modificación da resolución do departamento territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar ao departamento territorial correspondente o emprego da lista de reserva nos seguintes supostos:

- a) Cando se produzan prazas vacantes durante o proceso de outorgamento.
- b) Cando se produzan prazas vacantes durante a vixencia dos plans de xestión correspondentes.

A confraría de Lourizán, unha vez reiniciada a súa actividade extractiva, solicita o emprego da lista de reserva para cubrir catro (4) prazas vacantes, dúas xurdidas por xubilación e dúas por renuncia, das persoas titulares dos permisos de explotación a pé durante a vixencia do plan de explotación.

3. Correspóndelle a este Departamento Territorial ditar esta resolución de acordo co disposto no Decreto 245/2009 do 30 de abril, polo que se regulan os departamentos territoriais da Xunta de Galicia.

Á vista do exposto, este Departamento Territorial, en virtude das competencias atribuídas,

RESOLVE:

Autorizar o emprego da lista de reserva para cubrir **catro (4)** prazas vacantes e publicar o nome das persoas seleccionadas para o outorgamento do permiso de explotación de marisqueo a pé na confraría de Lourizán:





Apelidos e nome	D.N.I.
REBOREDO PIÑÓN, ALBA	* * * 8149 * *
GARCÍA GARCÍA, SUSANA	* * * 1581 * *
ROMERO SEGADO, BEATRIZ	* * * 2032 * *
NINE TILVES, MARÍA NIEVES	* * * 9357 * *

Nota: ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Personais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

As persoas seleccionadas disporán dun prazo de **quinze (15) días hábiles**, contados a partir do día seguinte ao da publicación da presente resolución, para achegar a documentación que figura na base 3.2 do Anexo A da convocatoria:

- a) **Certificado de estar empadroad/a nun municipio do litoral de Galicia.** Esta documentación non será necesaria, no caso de ter dado o consentimento para comprobar os datos de residencia mediante consulta ao sistema de verificación de datos, de acordo co Decreto 255/2008, do 23 de outubro, e a Orde do 7 de xullo de 2009.
- b) **Certificado da Seguridade Social de non ser perceptor/a de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.** Non será necesario no caso de ter dado o consentimento para comprobación destes datos.

As persoas perceptoras da renda de integración social deberán achegar escrito de renuncia a esta prestación.

- c) **Documento médico que acredite non estar incapacitado/a para exercer as labores do marisqueo.**
- d) **Fotografía de tamaño carné, actual.**
- e) **Certificado de mariscador.** Esta documentación non será necesaria, no caso de ter dado o consentimento para a súa comprobación ou xa teña sido presentado durante o proceso selectivo.

Aquelas persoas que non o posúan, terán que realizar o curso a primeira vez que sexan convocados - salvo causa debidamente xustificada - pola Dirección xeral de Desenvolvemento Pesqueiro.

Esta documentación deberá dirixirse ao **Departamento Territorial de Vigo**

Departamento Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal





De acordo co disposto no Decreto 425/1993, do 17 de decembro, as persoas seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención do permiso de explotación: **"non ter sancións firmes en vía administrativa en materia de protección de recursos mariños, pendentes de pagamento"**.

As persoas que, dentro do prazo fixado, non presentasen a documentación ou que, da revisión da mesma, se deducise que carecen dalgún dos requisitos sinalados, entenderase que desisten da súa solicitude. Neste suposto, emitirase unha nova resolución modificando esta, de acordo aos prazos e forma recollidos nos parágrafos anteriores, declarando seleccionada/s a/s persoa/s que figuren na lista de reserva pola desistencia das persoas que non presentaron a documentación ou carecen dos requisitos.

A presente resolución publicarase no taboleiro de anuncios do Departamento Territorial de Vigo e na páxina web <http://www.mar.xunta.gal>.

Esta convocatoria tamén estará exposta, con carácter informativo, nos taboleiros de anuncios das Xefaturas Comarcais de Vilagarcía de Arousa e de Pontevedra, así como no taboleiro de anuncios da confraría.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

A directora territorial
María Elena Suárez Sarmiento

